



Antiquae Lectionis Tomus ...

In Qvo Plvra Qvam XX. Antiqua monumenta, nunquam edita

Canisius, Heinrich

Ingolstadii, 1602

Caput 49. Recapitulatio a al mille CXXXI.

[urn:nbn:de:hbz:466:1-64160](https://nbn-resolving.org/urn:nbn:de:hbz:466:1-64160)

viciosus locus
in vtraq; m. l.

Burgundiones: ibiq; nihil aliud præsumebant, nisi quantum pretio ementes à Germanis eorum stipendia accipiebant. Et cum ibidem duobus annis resedissent, per legatos inuitati à Romanis vel Gallis qui Lugdunensium prouinciæ & Galliæ domita cisalpina vt tributarij, publice potuissent renuere. ibiq; cum vxoribus & liberis visi sunt confedisse. Valentinianus subita sanguinis eruptione, quod Græci apoplexiam vocant, Briuione percussus moritur.

Caput 47.

Post quem GRATIANVS assumpto in imperium Valentiniano fratre cum patruo Valente regnat. Valens legem dat vt monachi militarent: nolentes iuste interfici. Alamnorum xxx. circiter millia apud Argætarum oppidū Galliarum ab exercitu Gratiani prostrata.

Caput 48.

Gens Hunorū Gothos vastat, qui à Romanis, sine armorū congressione suscepti, per auaritiā Maximiducis, fame ad rebellandū coacti sunt. Superatis in cōgressione Rom. Gothi fundunt in Thracia. Valens de Antiochia exire compulsus Christianos de exilio reuocat. Lachrymabile bellū in Thracia, in quo deserētē equitum præsidio, Romanæ legiones à Gothis vsq; ad internecionem cæsa sunt. Ipse Imperator Valens cum sagitta facius fugeret, & dolore nimio sæpe ab equo laberetur, ad cuiusdā villulæ casam deportatus est, quo persequentibus barbaris, & incensa domo, sepultura quoq; caruit.

Caput 49.
Recapitulatio.
a al. mille
CXXXI.
bal. 427.

Avrbe condita vsq; ad extremum huius operis an. fiunt *m* mille xxxi. hoc modo sub regibus an. ccx l. sub consulibus anni cccclxiiii. Sub Augustis & Cæsaribus an. *b* ccccxvii. à xv. Tiberij anno & prædicatione Domini nostri Iesu Christi. *A* secundo anno
Da-

Darij Regis Persarum, quo tempore templum Hierosolymis restauratum est, anni nongenti sexaginta nouem. Ab Olympiade prima, qua ætate apud Hebræos Isaias prophetabat, anni 655. A Salomone & prima ædificatione templi anni 1311. A Moysæ & Cecrope primo rege Atticæ anni 1890. ab Abraham & regno Nini & Semiramidis anni 2314. à diluuiio autem vsq; ad Abraham supputantur anni 62212. & fiunt ab Adam vsq; ad xiv. Valentis & Valentiniani iterum omnes anni 5588. Et quia deinceps varietatibus temporum & incursionibus barbarorum ita cuncta mixta sunt vt gestorum veritas, quæ historiæ inserere possit, ad plenum reperire non potest.

IDACIVS seruus Domini nostri Iesu Christi, vniuersis fide libus, in Domino nostro Iesu Christo, & seruientibus sibi in veritate Salutem.

Caput 50.
Conclusio libri.

Probatissimorum in omnibus virorum studio, quos præcipue in fide catholica & conuersatione perfecta, testes veritatis diuini cultus docet assertio, hucusq; à sancto Hieronymo, & ipso (sicuti in capite istius voluminis præfatio prima declarat) cognomine Eusebio historia in aliquantis Hispaniarum prouinciis descripta retinetur. Cui si quid postea subdidi in locis, quibus decuit, certo stili studio declaratur. Verum ad hæc ignarus indignissimus omnium seruorum

Dei **IDACIVS** seruus Iesu Christi Domini nostri, que sequuntur ab anno primo Theodosii Augusti, vt comparet, descripsi, breui ante factæ præfationis indicio.

